

Enformaziuns y Comunicaziuns

Preparaziun al Bato: La Uniun dles Ères dal Decanat envièia i geniturs co á en möt da bacé, pèrs co aspeta, toc y totes ala preparaziun al Bato, en sabeda ai 20 de jená dales 15:00 ales 17:00 te salf dai stödafüs a San Martin. Prenotaziuns al 328/0717796.

Sant Antone: La Ploania d'Antermèia envièia dèr bel al patrozine de Sant Antone Abat, en dedemesaledema ai 17 de jená. Ales 9:00 él la Corona, ales 9:30 Mëssa da festa. Düc ciarará en simbol dal sant da se taché söle guant. Domisdé él te salf dles manifestaziuns le Batadú de Sant Antone. I cartadus s'abina ales 14:00. Le davagn dla festa vá a bèn dla Dlijia d'Antermèia.

Uniun dles Ères: La Uniun tin na sontada en lönesc ai 22/01 ales 20:00 te calogna.

Sorvisc ai Jogn/1: Le Sorvisc ai Jogn envièia jones y jogn de 2a y 3a mesana al domisdé "Amicizia, amur, sessualité", ai 20 de jená dales 13:00 ales 17:00 tal Zënter dla jonèza y dla cultura SaJ.un sö La Ila. Dertan le domisdé gnarál traté cöstes tematices y ai ciarará ince respostes profescionales a domandes desvalies te cösc ciamp. Prenotaziuns anter i 15 de jená al numer 0474/523070.

Sorvisc ai Jogn/2: Le Sorvisc ai Jogn chir jogn co á ligrèza da laoré con mituns y mitans desco animadus/dësses pal ISTÉ DEBORIADA 2018 (an mëss avèi arjunt la majera eté!). Por enformaziuns cherdé sö le 0474/523070 (lön-jöb, dales 8:00-12:00 y 13:00-17:00) o manuela@jogn.org. Termo por dé jö les domandes é i 9 de forá.

Scora elementara: Les iscriziuns ala pröma classa dla scora elementara por l'ann de scora 2018/19 vèn tutes sö te dötes les scores elementares dla direziun d'Al Plan en lönesc ai 15 de jená 2018, dales 14:45 ales 15:45. I mituns/les mitans co compless i 6 agn anter i 31.08.2018 mëss, i mituns y les mitans co complèsc i 6 agn danter le 01.09.2018 y i 30.04.2019 pó pié ia a scora de setèmber 2018.

Curs/1: La Uniun dles ères organisèia la ginastica de prevenziun con Marlene Trebo. dai 17 de jená ennant, vigne dedemesaledema dales 18:00 te palestra d'Al Plan, por endöt 10 iadi. S'anunzié präibel al numer 348/3140415.

Curs/2: Tal Hotel Corona vègnel organisé dui cursc de ginastica t'ega. Le pröm mèt man ai 22 de jená ales 20:00 danmisdé, le secundo ai 23 de jená ales 10:00. Entrami i cursc gnará tignis por 8 iadi. Iscriziuns pa Karin Taibon al 329/2223634.

Comun: Le Comun de Mareo lascia alessèi che en lönesc ai 15 de jená dales 9:00 ales 10:00 vègnel coü adöm le ciomont da tosser, tló Al Plan, sön plaza do Comun.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann B 14.01.2018 - 2a Domègna dal Ann Liturgich - Dé dal migrant nr. 7

Ciarede, l'Agnel de Dio!

Dal Vagnele do San Jan 1, 35-42

Te chël tomp ³⁵ea Jan söle lórdann, olach'al bacià, y con èl dui de sü discepu. ³⁶Canche Gejú ea passé dan ia, á Jan ôt söa odlada sön èl y á dit: Ciarede l'Agnel de Dio! ³⁷I dui discepu á aldí ci ch'al á dit, y ti é jüs do a Gejú. ³⁸Mo Gejú s'á ôt, y canch'al á odü ch'ai ti jea do, i ál damané: Ci orèise pa? Ai ti á dit: Rabbi - co ô dí: maester -, ola abitèieste pa? ³⁹Al á rospognü: Gnide y odede! Danló ésaí jüs empara y á odü olach'al abità, y é romagnüs chël de pa d'èl; al ea encèr les cater domisdé. ⁴⁰André, le fre de Sciomun Pire, ea önn dai dui, co á aldí la parora de Jan y co ti ea jüs do a Gejú. ⁴¹Cösc á encunté empröma so fre Sciomun y ti á dit: I án ciarfé le Messia. Messia ô dí: Crist - le consacré. ⁴²Al l'á condüt da Gejú. Gejú ti á ciaré y á dit: Tö es Sciomun, le fi de Jan, te dess avèi ennom Chefas. Chefas significhèia: Pire (pera). **Parora dal Signur. - Lalt a te, Gejú Crist!**

I meditun la Parora

Con Gejú vèn la vita na gran bela aventöra: Èl é compagn de iade y travert. Al damana che i discepu ti á crèta y ti vái do, da sté pa d'èl por vire deboriada na dërta amizizia; Gejú podunse encunté te vigne momont dal de. Ester cristiagn ne n'ò nia ma dí jí a dljia: al ô ince dí avèi en stil de vita co toli ejompl da chël de Gejú.

I periun ensciö

Signur Gejú, scinchi a mia mont l'intelionza da capí le plann che Tö as con me. Scinchi a mi slef la capacità da te damané olache T'abitèies, y a mio cör le dejidèr da T'encunté. Scinchi a mi vari le coraje da ti jí do ai tü. Anfai olache te mo condüjes, i sun sogü che te ne mo lasciaras nia su y che mia vita sará plèna de ligrèza, sc'i sará fedel a Töa cherdada. (Da Parola Amica - W. Cazzaniga)

Trèi Rêsc

Dèr bel iolan a dötes les porsones co á fat na spènora por l'aziun dai Trèi Rêsc. Al é gnü ete la bela soma de **9.315.65€**. En gran iolan i vá sambèn ince a mitans y mituns co é jüs a fá i Trèi Rêsc, a chi co i á acompagné, co á ensigné ete, fistidié dai guanc, dal encionsc, da iestí sö, da coordiné. Le ploan envièia chi co á fat en sorvisc pla aziun da gni a se mangé na pizza, en **jöbia ai 18 de jená ales 17:45**, tla Pizzeria Erika.



Domëgna: 14.01.2018: II. Domëgna dal Ann Liturgich: S.Hilarius
oferta por i bojügnis dla ploania

Giornata Mondiale del Migrante e del Rifugiato

8.30: S.M. a La Pli

9.30: **Oraziun dla domëgna: Corona**

10.00: **S.M. pro popolo por döta la Ploania y Migranti**

18.00: S.M. por +nta Nese Trebo – Obwegs, dal Pësta

S.M. ad intenziun de na Familia

S.M. por +nc' Josef y Maria Kosta

S.M. por +nc' de Paula Werh

S.M. por +nta Anita Dragotto



Lön.15.01.: Feria dla 2. edema: S.Romedius, S.Reiner

7.30: S.M. por +nc' Lois y Pepi Castlunger, dal Surt

S.M. por +nc' Prousch Vijo, Cristina, Angela y Maria

S.M. por +nc' dles Families Perathoner y Linder

S.M. por +nt Tone Ties dal Nora

Dédol. 16.01: Feria dla 2. edema dal ann: S.Marcello, S.Honorat

19.30: **Corona por l'Ann Nö**

Dédem 17.01: S.Antone d'Alessandria: Dé dal Giudaismo

18.00: S.M. por +nc' Rudi y Regina Ellecosta

S.M. por la Familia Castlunger da Grones

S.M. por +ntes Simonetta Zorzi y Paula Valentin

S.M. por +nta Olga Marches Niedermayr, Hot.Olympia

S.M. de renger. en onú de Sant Antone d'Alessandria

Jöbia 18.01: Feria dla 2. edema dal ann: Sa.Priska, S.Odilio, Sa.Regina

Oraziun y vijita privata te dljia y cortina

N.B.: al met man l'edema dla oraziun por l'unium dai cristiagn

Vëndr.19.01: Feria dla 2. edema dal ann: Sa.Aleidis, S.Mario, S.Audifax

7.10: **S.M. por i scolari**

S.M. por +nt Ernesto Trebo, Hot. Al Plan

S.M. +nt Marco Goidanich

S.M. por +nta Marianna Erlacher – Pedevilla, de Terza

S.M. por +nc' dla Fam. Überbacher

15.00: **Ora de oraziun**

18:30: S.M. por la Scora dai Schi d'Al Plan

Sab.20.01: Sancta Maria in sabato: S.Bustian y S.Fabian, Sa.Ursula

17.00: **Poscibilitè da se pisié**

18.00: S.M. por +nc' Lois y Nina Oberbacher, dal Lehrer

S.M. por +nt Tone Erlacher, Corcela

S.M. por +nta Martha Obojes de Gorghe

S.M. por +nta Maria Teresa Rungger, dal Hintner

Dom.21.01: III. Domëgna dal Ann: Sa.Agnes, S.Meinrad

Oferta por i bojügnis dla ploania

8.30: S.M. a La Pli

9.30: **Oraziun dla Domëgna: Corona**

10.00: **S.M. pro popolo por döta la Ploania**

18.00: S.M. por +nt Jan Vollmann, Räs

S.M. por +nt Carlo Erlacher dal Craizer

S.M. por +nt Otto Glück

S.M. por +nta Lies Comploi de Mano



A mez invern ai finalmonter sontí, che al é te me en isté nia da superé y co döra. (Albert Camus)

Fora por trepes portes passi ia por l'ann nò.

Fora por portes de dljia, portes adincuntra al Signur con l'oraziun, mësses, amur dal proscim.

Today - encö é cöstes portes davertes, encö passi fora por cöstes portes, y endoman ince, canche al é endô encö.

En ann nò - 365 iadi encö, 365 envic, 365 poscibilités.

Dan da val'porta slüta stái tal ann nò.

La porta a Chël Bel Dio é entres daverta - always open. (image)

Desco Gejú á vit, ne pón al dedaincö nia plö enrescí do.

O empó!

Chi co é daverc por les morvëies dla natöra, por la belèza dal paesaje, é ince daverc por Chël Bel Dio, afermèi iu. Demez dles gran ciütés éson plö dampró al Ci.

Gejú á vit t'en ambiont dër natural: tla Galilea, tal Israel produtif dal Nord, tles colines encër le Le de Genesaret. Al n'é nia rio, da s'imaginé la jonèza de Gejú, cis sc'an é stés te sü posc. La vita vá ennant plan, tal ritm chit dla natöra. Te cösc ritm é motüdes ete les festes, co stá tai punc zentrai dla natöra: le somené, la racoüda, ...

La mentalité de Gejú, söes imajes, söes paraboles: döt é caraterisé dla vita tla campagna, dal vignedé de porsones sciomples: artejagn, famëis y paur. Na ücia olache al vá a perde na monèda; biesces y pësc; en ciamp, te chël che magari édl en tesur da ciagé. Gejú conësc y ama cösta tera - tai picci scenars dla vita da paur láscel Èl odèi la grandèza dal Signur.

Y vignönn/a capësc che **le Beldio de Gejú da Nazaret é en Dio de bonté.** (Bibel to go)



Sorvisc dai Ministronc

Lönesc 15/01 (07:30h), Dédemesaledema 17/01 (18:00h), Vëndres

19/01 (07:10h): Maddalena Deval, Giovanni Comploi;

Sabeda 20/01 (18:00h): Moltina Clara, Claudia y Susan Kaneider, Giada y Ginevra Regis, Sofia Willeit;

Domëgna 21/01 (10:00h): Isabel y Sandra Ties, Elisa y Emanuel Frenademetz, Michael Leimegger, Fabian y Matthias Kaneider, Thomas Palfrader;

Domëgna 21/01 (18:00h): Pia, Caspar y Moriz Videsott, André Castlunger, Simon Comploi, Philip Palfrader;

N. B.: Düc i ministronc é entres begnodüs da gní a sorví, ince sce ai n'é nia scric sö!

